

قوم يا دفان و اقصد كربله

كربله إتعناها يا دفانها...بيها واري امشيبها و شبانها

واري أجساد البقت فوق الثره...لا غسل و اعله التراب اموذره

لملم بإيدك عظام امكسره...صارت الخيل العده ميدانها

صد يدفان الأرض بيها الجسوم...غارقه يا ويلي ببحر الدموم

و السباع الضاربه اعليها تحوم...عاريه ابقفرة هجير أبدانها

حين توصل كربله للطيبين...لئن القاع امصب دمعة العين

بيها احفر حفرة لنصار الحسين...صفوة الشجعان من فرسانها

تالي يدفان بالون و النحيب...يمها شق لحد و لجن خله قريب

و إدفن بوسط اللحد جثة حبيب...شيخ الأنصار و زعيم أركانها

تالي روح إحفر قبر لجن جبير...بيه دفن اسباتعش كوكب يصير

من بني هاشم و لا إلهم نظير...أشراف كلهم من نسل عدنانها

تالي روح العلقمي و صد بالنظر... تلقه جن نجمين وقعن يم قمر

مو قمر عباس هذا اعله النهر... جتته او يمها اوقعن ذرعانها

هناك يا دفان إحفر حفرته... بالقبر واري يعقلي إجنزته

ما أوصيك ادفن اوياه رايته... بلجن إتخضر مناره امجانها

تالي يدفان من المشرعه... حين عباس ايتواره امضجعه

روح لم حسين جسمه و جمعه... امودره اعضاءه بوسط قيعانها